

Praktis 7 Cerpen *Banjir di Mata Emak*

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

“Fasal apa Mak Piah tak pindah ke pusat pemindahan, sama jiran-jiran?”

Allah melorongkan soal itu daripada mulut saya.

Mak Piah mengesat mata.

“Banjir dulu, pindah juga ke pusat pemindahan ... tapi susah. Mak Piah ni kencing kerap, kadang-kadang tak sempat ke bilik air. Kali ni, biarlah duduk di rumah. Daripada sakit telinga dengar umpat caci orang, lebih baik menahan lapar di rumah sendiri.”

Ya Allah, beginikah saya apabila tua nanti?

“Tak apa Mak Piah, selagi banjir tak surut, insya-Allah, saya akan temankan Mak Piah.”

Sebaik-baik terluncur perkataan terakhir daripada mulut saya, Mak Piah *menerkam memeluk* ke tubuh yang sudah lama tidak didakap ibu.

“Terima kasih ... terima kasih,” ucapnya bertubi kali, seperti ucapan dan pelukan emak sewaktu saya membelikan pokok bunga mawar sebagai hadiah hari lahirnya. Terungkai saja rangkulannya, Mak Piah merenung saya. Juraian airmatanya jelas luahan bahagia.

“Mari kita makan!”

Saya mengajak cepat dan dia juga pantas menyoal.

“Nana hantar semua ni? Dia minta tolong cik hantarkan kepada Mak Piah?”

Dipetik daripada cerpen “Banjir di Mata Emak”,
antologi *Baik Budi, Indah Bahasa*, Tingkatan 2,
Kementerian Pendidikan Malaysia

- 1 Apakah maksud rangkai kata *menerkam memeluk*?

A Meluru merentap
B Menerpa mendakap
C Menyerbu menangkap
D Menyambar memegang

Mentafsir Aros R

- 2 Daripada sakit telinga dengar umpat caci orang, lebih baik menahan lapar di rumah sendiri.

Nyatakan kata-kata hikmat yang sesuai dengan pernyataan di atas.

A Keadilan tidak mengenal kawan
B Kita harus memberi dan menerima
C Kata-kata lebih tajam daripada mata pedang.
D Berkata benarlah walaupun kebenaran itu menyakitkan

Mentafsir Aros R

- 3 “Tak apa Mak Piah, selagi banjir tak surut, insya-Allah, saya akan temankan Mak Piah.”

Apakah nilai yang terdapat dalam pernyataan di atas?

A Baik hati C Keberanian
B Ketabahan D Mengenang budi

Memahami Menganalisis Aros S

- 4 Mengapakah Mak Piah tidak berpindah ke pusat pemindahan?

A Mak Piah kencing kerap, kadang-kadang tak sempat ke bilik air.
B Mak Piah sudah biasa menahan lapar.
C Mak Piah yakin banjir akan surut nanti.
D Mak Piah sedang menunggu kedatangan Nana.

Memahami Menganalisis Aros S

- 5 Pilih pernyataan yang benar tentang petikan.

A Mak Piah tidak pernah berpindah ke pusat pemindahan semasa banjir.
B Mak Piah mengajak “saya” makan.
C “Saya” membeli pokok bunga mawar sebagai hadiah hari lahir emaknya.
D Juraian airmata “saya” jelas luahan bahagia.

Menganalisis Menyusun Aros T